

古今圖書集成

明倫彙編

皇極典

中華書局
巴蜀書社

明倫彙編 皇極典

古今圖書集成

中華書局 已蜀書社

欽定古今圖書集成明倫彙編皇極典

第一百九十八卷目錄

登極部彙考二十四

元二 武宗至大 一則 仁宗延祐 一則 英宗至治 一則 泰定帝致和 一則 文宗天曆 一則 順帝至正 一則

皇極典第一百九十八卷

登極部彙考二十四

元二

武宗至大四年三月庚寅仁宗以皇太子即皇帝位按元史仁宗本紀仁宗諱愛育黎拔力八達順宗太子武宗之弟也母曰興聖太后弘吉剌氏至元二十二年三月丙子生大德九年冬十月成宗不豫中宮秉政詔帝與太后出居懷州十年冬十二月至懷州所過郡縣供帳華侈悉令撤去嚴飭扈從毋擾于民且諭食事王毅察而言之民皆感悅十一年春正月成宗崩時武宗為懷寧王總兵北邊戊子帝與太后聞哀奔赴庚寅至衛輝經比干墓顧左右曰紂內荒於邑毒痛四海比干諫紂刺其心遂失天下今祠比干于墓為後世勸至漳河值大風雪田畝有以孟粥進者近侍卻不受帝曰昔漢光武嘗為寇兵所迫食豆粥大丈夫不備善艱阻往往不知稼穡艱難以致驕惰命取食之賜更錢一匹慰遣之行次邯鄲諭縣官曰吾慮衛士不法有吏科敏重為民困乃命王傳

巡行察之二月辛亥至大都與太后入內哭盡哀復出居舊邸日朝夕入哭奠左右丞相阿魯台等潛謀推皇后伯要與氏稱制安西王阿難答輔之時左右相哈剌哈孫答剌罕稱疾守宿殿門凡三月密持其機陽許之夜遣人啓帝曰懷寧王遠不能侍至恐變生不測當先事而發三月丙寅帝率衛士入內召阿魯台等責以亂祖宗家法命執之鞠問辭服成辰伏誅諸王關闕出牙忽都等曰今罪人斯得太子實世祖之孫宜早正天位帝曰王何為出此言也彼惡人潛結宮壘構亂我家故誅之豈欲作威觀望神器耶懷寧王吾兄也正位為宜乃遣使迎武宗於北邊五月乙丑帝與太后會武宗於上都甲申武宗即位六月癸巳詔立帝為皇太子受金寶十一月戊寅受玉冊領中書省樞密院至大二年八月立尚書省詔太子兼尚書令戒飭百官有司振紀綱重名器夙夜以赴事功詹事院臣啓金州獻瑟瑟洞請遣使采之帝曰所寶惟賢瑟瑟何用焉若此者後勿復聞先是近侍言賈人有售美珠者帝曰吾服御雅不喜飾以珠璣生民膏血不可輕耗汝等當廣進賢才以恭儉愛人相規不可以奢靡富財相導言者漸而退淮東宣慰使撒都歡王觀音七寶帽頂寶帶寶鞍御之戒諭如初四年春正月庚辰武宗崩三月庚寅即皇帝位于大明殿受諸王百官朝賀詔曰惟昔先帝事皇太后撫朕躬躬孝友天至由朕得託順考遺德重以母弟之嫡加有削平內難之功於其踐阼曾未踰月授以皇太子寶領中書令樞密使自揆機務聽所總裁於今五年先帝奄棄天下勳戚元老咸謂大寶之承既

有成命非與前聖實天而始徵集宗親議所宜立者比當稽周漢晉唐故事正位宸極朕以國恤方新誠有未忍是用經時今則上奉皇太后勉進之命下徇諸王勸戴之勤三月十八日于大都大明殿即皇帝位凡尚書省樞密院之臣先已伏誅同惡之徒亦已放逐百司庶政悉歸中書命丞相鐵木迭兒平章政事李道復等從新拯治可大赦天下敢以赦前事相告言者罪以其罪諸衛門及近侍人等母隔越中書奏事諸上書陳言者量加旌擢其僥倖獻地土并山場密治及中寶之人並禁止之諸王駙馬經過州郡不得非理需索應和順和買隨即給價毋困我民按王約傳仁宗正位宸極欲用陰陽家言即位光天殿即東宮也約言於太保曲樞曰正名定分當御大內太保人奏遂即位於大明殿按囊加友傳成宗崩昭聖元獻太后與仁宗在懷州太后召囊加友不憐吉友脫因不花八思台等論之曰今宮車晏駕皇后欲立安西王阿難答爾等當毋忘世祖裕宗在天之靈盡力奉二皇子囊加友頓首曰臣等雖碎身不能仰報兩朝之恩願効死力既至京師仁宗遺囊加友與八思台詣諸王亮刺議事立時內外洶洶猶豫莫敢言囊加友獨贊亮刺定計先發歸自仁宗意猶遲疑固問可否對曰事貴速成後將受制於人矣太后與仁宗意乃決內雖既平仁宗監國命同知樞密院事武宗即位真拜同知樞密事階資德大夫賜以七寶束帶鞍轡衣甲弓矢黃金五十兩以旌其定策之功尋授升縣萬戶府達魯花赤仍同知樞密院事仁宗嘗語近臣曰今春之事吾與太后疑不能主賴囊

加友一語而定吾聞周文王有姜太公囊加友亦予家姜太公也其見稱許如此

仁宗延祐七年三月庚寅英宗以皇太子即皇帝位按元史英宗本紀英宗諱碩德八剌仁宗嫡子也母莊懿慈聖皇后弘吉刺氏以大德七年二月甲子生仁宗欲立為太子帝入謁太后固辭曰臣幼無能且有兄在宜立兄以臣輔之太后不許延祐三年十二月丁亥立為皇太子授金寶開府置官屬監察御史投輔太子詹事郭寶等首請近賢人擇師傅帝嘉納之六年十月戊午受王冊詔命百司庶務必先啓太子然後奏聞帝謂中書省臣曰至尊委我以天下事日夜寅畏惟恐弗堪卿等亦當洗心肅慮恪勤乃職勿有墮壞以貽君父憂七年春正月戊戌仁宗不豫帝憂形于色夜則焚香泣曰至尊以仁慈御天下庶幾順成四海清晏今天降大厲不如割殛我身使至尊永為民主辛丑仁宗崩帝克毀過禮素服廢於地日獻一粥癸卯太陰犯斗甲辰太子太師鐵木迭兒以太后命為右丞相丙午遣使分諭內外刑獄戊申賑通濟二州蒙古貧民次知樞密院事四員禁巫祝日者交通宗戚大官二月壬午罷造未福寺賑大同豐州諸驛以江浙行省左丞相黑龍為中書平章政事丁巳修佛事戊午祭社稷建御容殿于未福寺汰富民軍名宿衛者給役蒙古諸驛已未命儲糧於宣德開平和林諸倉以備賑貸供億復以都水監諫中書辛丑太陰犯軒轅御女平章政事赤斤鐵木兒御史大夫脫歡罷為集賢大學士壬戌太陰犯重臺甲子鐵木迭兒阿散請捕逮四川行省平章政事趙

世延赴京參議中書省事乞失監坐繫官刑部以法當杖太后命答之帝曰不可法者天下之公徇私而輕重之非示天下以公也卒正其罪丙寅以陝西行省平章政事趙世榮為中書平章政事江西行省右丞木八剌為中書右丞參知政事張思明為中書左丞中書左丞換住罷為橫北行省右丞丁卯太陰犯日星白雲宗攝沈明仁為不法坐罪謫籍江南冒為白雲僧者為民己已修鎮雷佛事于京城四門罷上都乾元寺規運總管府庚午太陰犯斗辛未括民間係官山場河泊密治廬舍壬申召陝西行省御史大夫答失鐵木兒赴闕以還陽大同上都甘肅官牧羊馬牛駝給期方民戶仍給贖地屯種癸酉括勸業祥院地其冒以官地獻者追其直以民地獻者歸其主決開平重囚丙子定京城環衛更番法准五衛漢軍裁例丁丑奪前中書平章政事李孟所受秦國公制命仍仆其先墓碑戊寅中書平章政事兀伯都剌罷為甘肅行省平章政事阿禮海牙罷為湖廣行省平章政事鐵木迭兒以前御史中丞楊朵兒只中書平章政事蕭拜住違太后旨矯命殺之並籍其家徵政院使失列門以太后命請更朝官帝曰此豈除官時耶且先帝舊臣豈宜輕動俟予即位議於宗親元老賢者任之邪者黜之可也司農卿完者不花言先帝以土田頒賜諸臣者宜悉歸之官帝問曰所賜為誰對曰左丞相阿散所得為多帝曰予嘗論卿等當以公心輔爾卿於先朝嘗請海泊之稅以阿散奏而止今卿所言乃復私憾耳非公議也豈輔爾之道耶遂出完者不花為湖南宣慰使奪僧贊其吃刺思等所

受司徒國公制仍銷其印三月辛巳以中書禮部領教坊司壬午賑陳州嘉定州饑瓜哇遣使入貢戊子太陰犯酒旗上星榮感犯進賢徵諸王駙馬流竄者給侍從遣就分邑庚寅帝即位詔曰洪惟太祖皇帝膺期撫運肇開帝業世祖皇帝神機睿略統一四海以聖繼聖迨我先皇帝至仁厚德涵濡羣生君臨萬國十年於茲以社稷之遠圖定天下之大本叶謀宗親授子冊寶方春宮之與政遽昭考之在天諸王貴戚元勳碩輔咸謂朕宜體先帝付託之重皇太后擁護之慈既深繫於人心詎可虛於神器合辭勸進誠意交孚乃於三月十一日即皇帝位于大明殿大赦天下尊太后為太皇太后英宗至治三年九月癸巳泰定帝以晉王即皇帝位于龍居河按元史泰定帝本紀泰定皇帝諱也孫鐵木兒顯宗甘麻剌之長子裕宗之嫡孫也初世祖以第四子那木罕為北安王鎮北邊北安王薨顯宗以長孫封晉王代之統領太祖四大幹耳朵及軍馬達達國土至元十三年十月二十九日帝生於晉邸大德六年晉王薨帝襲封是為嗣晉王仍鎮北邊成宗武宗仁宗之立咸與翊戴之謀有盟書焉王府內史倒剌沙得幸於帝常偵伺朝廷事機以其子哈散事丞相拜住且入宿衛久之哈散歸言御史大夫鐵失與拜住相忤欲傾害之至治三年三月宣徵使探忒來王邸為倒剌沙言主上將不吝于晉王汝盍思之於是倒剌沙與探忒深相要結八月二日晉王薨於禿剌之地鐵失密遣幹羅思來告曰我與哈散也先鐵木兒

失亮兒謀已定事成推立王爲皇帝又命幹羅思以其事告側刺沙且言汝與馬速忽知之勿令旭邁保得聞也於是王命因幹羅思遣別烈迷失等赴上都以逆謀告未至癸亥英宗南還駐蹕南坡是夕鐵失等矯殺拜住英宗遂遇弒於懋殿諸王接梯不花及也先鐵木兒奉皇帝靈柩北迎帝于鎮所癸巳即皇帝位於龍居河大赦天下詔曰薛禪皇帝可憐見嫡孫裕宗皇帝長子我仁慈甘麻刺爺肅穆底封授晉王統領成吉思皇帝四箇大幹耳朵及軍馬達達國土都付來依著薛禪皇帝聖旨小心謹慎但凡軍馬人民的不揀甚麼勾當裏遵守正道行來的上頭數年之間百姓得安業在後完澤篤皇帝教我繼承位次大幹耳朵裏委付了來已委付了的大營盤看守著扶立了兩箇哥哥曲律皇帝普顏篤皇帝姪碩德八剌皇帝我累朝皇帝根底不謀異心不圖位次依本分與國家出氣力行來諸王哥哥兄弟每衆百姓每也都理會的也者今我的姪皇帝生天了也麼道達南諸王大臣軍士的諸王駙馬臣僚達達百姓每衆人商量著大位次不宜久虛惟我是薛禪皇帝嫡派裕宗皇帝長孫大位次裏合坐地的體例有其餘爭立的哥哥兄弟也無有這般晏駕其間比及整治以來人心難測宜安撫百姓使天下人心得寧早就這裏即位提說上頭從著衆人的心九月初四日于成吉思皇帝的大幹耳朵裏大位次裏坐了也交衆百姓每心安的上頭敕書行有

奉定帝致和元年九月壬申文宗以懷王襲皇帝位接元史文宗本紀文宗諱圖帖睦爾武宗之次子明

宗之弟也母曰文憲昭聖皇后唐兀氏大德三年武宗總兵北還帝以八年春正月癸亥生十一年武宗入繼大統至大四年武宗崩傳位於弟仁宗延祐三年丞相鐵木迭兒等議立英宗爲皇太子明宗以武宗長子乃出之居于朔漠及英宗即位鐵木迭兒復爲丞相懷私固寵擢骨朮諸王大臣莫不自危至治元年五月中政使咬住告脫歡察兒等交通親王於是出帝居於海南三年六月英宗在上都謂丞相拜住曰朕兄弟實相友愛曩以小人潛想俾居遠方當亟召還明正小人離間之罪未幾鐵失也先鐵木兒等爲逆而晉王遂立爲皇帝改元泰定召帝于海南之瓊州還至潭州復命止之居數月乃還京師十月封懷王賜黃金印二年正月又命出居建康以殊祥院使也先捏掌其衛士初晉王既爲皇帝以內史倒刺沙爲中書平章政事遂爲丞相殺復自用災異數見而帝兄弟播越南北人心思之致和元年春大駕出敗柳林以疾還宮諸王滿亮阿馬剌台太常禮儀使哈海宗正扎魯忽亦闊闢出等與舍衛衛院事燕鐵木兒謀曰今主上之疾日臻將往上都如有不諱吾輩無從者執諸王大臣殺之居大都者即縛大都省臺官宣言太子已至正位宸極傳守禦諸關則大事濟矣三月大駕至上都滿亮闊闢出等扈從西安王阿剌忒納失里居守燕鐵木兒亦爾大都時也先捏私至上都與倒刺沙等圖弗利於帝乃遣宗正扎魯忽亦爾古台遷帝居江陵七月庚午泰定皇帝崩于上都倒刺沙及梁王王禪遠王脫脫因結黨害政人皆不平時燕鐵木兒實掌大都樞密符印謀

於西安王阿剌忒納失里陰結勇士以圖舉義八月甲午黎明百官集與聖宮燕鐵木兒率阿剌鐵木兒李倫赤等十七人兵皆露刃號於衆曰武宗皇帝有聖子二人孝友仁文天下正統當歸之今爾一二臣敢素邦紀有不順者斬乃手縛平章政事烏伯都剌伯顏察兒分命勇士執中書左丞朵魯魯知政事王士熙參議中書省事脫脫吳秉道侍御史鐵木哥丘世傑治書侍御史脫脫太子詹事丞王極等皆下之獄燕鐵木兒與西安王阿剌忒納失里共守內廷籍府庫錄符印召百官入內聽命即遣前河南行省參知政事明里董阿前宣政使答里麻失里馳驛迎帝於江陵密以意諭河南行省平章政事伯顏令簡兵以備扈從是日前湖廣行省左丞相別不花爲中書左丞相太子詹事塔失海涯爲中書平章政事前湖廣行省右丞速速爲中書左丞前陝西行省參知政事王不憐吉台爲樞密副使與中書右丞趙世延同簽樞密院事燕鐵木兒翰林學士承旨亦列赤通政院使寒食分典機務調兵守禦關要徵諸衛兵屯京師下都縣遣兵器出府庫備軍士燕鐵木兒直宿禁中達旦不寐一夕或再從人莫知其處乙未以西安王令給宿衛京城軍士鈔有差調諸衛兵守居庸關及盧兒嶺內申遣左衛率使亮魯將兵屯白馬甸隆鎮衛指揮使幹都蠻將兵屯泰和嶺丁酉殺中衛兵守邊民鎮又遣撒里不花等往迎帝且令塔失帖木兒矯爲使者自南來言帝已次近郊使民母驚疑戊戌徵宣靖王買奴諸王燕不花于山東己亥徵兵遼陽明里董阿至汴梁執行省臣皆下之獄又收肅政

廉訪司萬戶府及郡縣印庚子發宗仁衛兵增守遷民鎮辛丑遣萬戶徹里帖木兒將兵屯河中壬寅河南行省以郡縣關人權署其事癸卯燕鐵木兒之弟撒敦子唐其勢自上都來歸河南行省殺平章曲烈石丞別鐵木兒是日明里董阿等至江陵甲辰帝發江陵遣使召鎮南王鐵木兒不花威順王寬徹不花湖廣行省平章政事高昌王鐵木兒補化來會執湖廣行省左丞馬合某送京師以別薛代之河南行省出府庫金千兩銀四千兩鈔七萬一千錠分給官吏將士又命有司造乘輿供張儀仗等物乙巳遣隆鎮衛指揮使也速台兒將兵守碑樓口河南行省殺其參政脫字臺召陝西行臺侍御史馬札兒台及行省平章政事探馬赤不至丙午諸王按渾察至京師適前西臺御史刺馬黑巴等論陝西丁未撒敦守居庸關唐其勢屯古北口命河南行省造銀符以給軍士有功者戊申燕鐵木兒又令乃馬台矯為使者北來言周王整兵南行聞者皆悅帝命河南行省平章政事伯顏為本省左丞相河南行省遣前萬戶李羅等將兵守潼關己酉諸王滿剌阿馬刺台宗正扎魯忽亦闊闊出前河南行省平章政事賈閭集賢侍讀學士兀魯思不花太常禮儀院使哈海赤等十八人同謀謀大都事覺倒刺沙殺之庚戌帝至汴梁伯顏等還從北行以前翰林學士承旨阿不海牙為河南行省平章政事發平濠民遷民鎮以禦遼東軍辛亥以燕鐵木兒知樞密院事亦列赤為御史中丞壬子阿速衛指揮使脫脫木兒帥其軍自上都來歸即命守古北口癸丑籍樞密分院印是日上都諸王

及用事臣以兵分道犯京畿雷選王脫脫諸王李羅帖木兒太師蒙帶左丞相倒刺沙知樞密院事鐵木兒脫居守甲寅刺馬黑巴等至陝西皆見殺乙卯脫脫木兒及上都諸王失刺平章政事乃馬台詹事欽察戰于宜興斬欽察于陣禽乃馬台送京師費之失判敗走丙辰燕鐵木兒奉法駕迎丁巳帝至京師入居大內責赤衛指揮使脫速出自上都率其軍來歸命守古北口戊午以速速為中書平章政事前御史中丞曹立為中書右丞江浙行省參知政事張友諒為中書參知政事河南行省左丞相伯顏為御史大夫中書右丞趙世延為御史中丞己未以河南萬戶也速台兒同知樞密院事罷回同掌教哈的所上都梁王王禪右丞相塔失鐵木兒太尉不花平章政事賈閭御史大夫紐澤等兵大榆林陞宜興縣為州隆鎮衛指揮使黑漢謀附上都坐棄市籍其家九月庚申朔燕鐵木兒督師居庸關遣撒敦以兵襲上都兵于榆林擊敗之追至懷來而還隆鎮衛指揮使幹都蠻以兵襲上都諸王滅里鐵木兒脫木赤於陀羅臺執之歸于京師遣使即軍中賜脫脫木兒等銀各千兩以分給軍上有功者賜京師耆老七十八人幣帛命有司括馬中書左丞相別不花言回回人哈哈的自至治間貸官鈔違制別在番邦得貨貨無算法當沒官而倒刺沙私其種人不許今請籍其家從之燕鐵木兒請釋馬合某從之陝西兵入河中府劫行用庫鈔萬八千錠殺同知府事不倫禿王戊遣使祭五嶽四瀆命速速宣諭中外曰昔在太祖以及列聖臨御威命中書省綱維百司總裁庶政凡錢穀銓選刑

罰典造罔不可之自今除樞密院御史臺其餘諸司及左右近侍敢有隔越中書奏請政務者以違制論監察御史其糾言之以高昌王鐵木兒補化知樞密院事也先捏為宣徽使給居庸關軍士機糧賜鎮南王鐵木兒不花等鈔有差徵五衛屯田兵赴京師安南國來貢方物賜上都將士來歸者鈔各有差樞密院臣言河南行省軍列戍淮西距潼關河中不遠湖廣行省軍唯平陽保定兩萬戶號稱精銳請發斬黃戎軍一萬人及兩萬戶軍為三萬命湖廣參政鄭昂霄萬戶脫脫木兒將之並黃河為營以便徵選從之召燕鐵木兒赴關上都諸王也先帖木兒平章禿滿迭兒自遼東以兵入遷民鎮諸王八刺馬也先帖木兒以所部兵入管州殺掠吏民丙寅命造兵器江浙江西湖廣三省六萬事內郡四萬事丁卯燕鐵木兒率諸王大臣伏闕請早正大位以安天下帝固辭曰大兄在朔方朕敢素天序乎燕鐵木兒曰人心向背之機間不容髮一或失之噬臍無及帝曰必不得已必明著朕意以示天下而後可賜西安王阿剌忒納失里鎮南王帖木兒不花威順王寬徹不花宣靖王買奴等金各五十兩銀各五百兩幣各三十三匹遣撒敦拒遼東兵于薊州東流沙河元帥阿兀刺守居庸關上都軍攻碑樓口指揮使也速臺兒禦之不克戊辰大司農明里董阿大都留守闊闊台並為中書平章政事募勇士從軍遣使分行河間保定真定及河南等路括民馬徵鄆陵縣河西軍赴關命襄陽萬戶楊克忠鄧州萬戶孫節以兵守武關命海道萬戶府來年運米三百一十萬石造金符八十己巳鑄御寶

成立行樞密院於汴梁以同知樞密院事也遂台兒知行樞密院事將兵行視太行諸關西擊河中潼關軍以指臺每分給守關軍士上都諸王忽剌台等引兵犯呼州庚午命有司和市粟豆十六萬五千石分給居庸等關軍馬遣軍民守歸綏諸隘辛未常服謁太廟雲南王定路土官來貢方物烏伯都刺鐵木哥臺市朵朶王士黑伯顏察兒脫歡等各流於遠州並籍其家同知樞密院事脫脫木兒與遼東亮滿迭兒戰于薊州兩家店壬申帝即位於大明殿受諸王百官朝賀大赦詔曰洪惟我太祖皇帝混一海宇爰立定制以一統緒宗親各受分地勿敢妄生覬覦此不易之成規萬世所共守者也世祖之後成宗武宗仁宗英宗以公天下之心以次相傳宗王貴戚咸遵祖訓至於官邸具有盟誓願守藩服而與賊臣鐵失也先帖木兒等潛通陰謀冒干寶位使英宗不幸罹於大故朕兄弟播越南北備歷艱險臨御之事豈復與聞朕以叔父之故順承惟謹於今六年災異迭見權臣倒剌沙烏伯都刺等專權自用疎遠勳舊廢棄忠良變亂祖宗法度空府庫以私其黨類大行上賓利於立幼顯握國柄用成其奸宗王大臣以宗社之重統緒之正協謀推戴屬於眇躬朕以菲德宜俟大兄固讓再三宗戚將相百僚耆老以為神器不可以久處天下不可以無主周王遍隔朔漠民庶皇皇已及三月誠懇迫切朕故從其請謹俟大兄之至以遂朕固讓之心已於致和元年九月十三日即皇帝位於大明殿其以致和元年為天曆元年可大赦天下自九月十三日昧爽已前除謀殺祖父父母妻妾殺

夫奴婢殺主謀殺殺人但犯強盜印造偽鈔不赦外其餘罪無輕重咸赦除之於戲朕豈有意於天下哉重念祖宗開創之艱恐墮大業是以勉徇與情尚賴爾中外文武臣僚協心相予輯寧億兆以成治功否爾多方體予至意 按任速哥傳奉定中創剌沙用事天變數見速哥乃密與平章政事速遠謀曰先帝之仇孤臣朝夕痛心而不能報者以未有善策也今吾思之武宗有子二人長于周王正統所屬於遠居朔方難以達意次子懷王人望所歸而近在金陵易於傳命若能同心推戴以圖大計則先帝之仇可雪也速遠深然之時燕帖木兒方僉樞密院事握兵柄二人深結納之冬乃告以所謀燕帖木兒初聞之憂然因徐說之曰天下之事惟順逆兩塗以順討逆何患不克况公國家世臣與國同休戚今國難不恤他日有先我而謀者禍必及矣於是燕帖木兒許之致和元年懷王自金陵還江陵俄而奉定帝崩倒剌沙踰月不立君物情洶洶速哥乃與速遠從燕帖木兒奉豫王令率諸豪傑乘時奮義以八月四日執居守省臣發兵塞居庸諸關召文武百僚集闕下諭以弼戴大義遣使迎懷王于江陵懷王至京師羣臣請正大統遂即皇帝位是為文宗諭功行賞擢速哥為禮部尚書速哥辭曰臣舊備宿衛南城之變不能勇効一死以報國士之知今日之舉皆諸將相之力在臣未足贖罪又焉敢言功乎文宗慰勉之乃拜命而其餘賞一無所受 按伯顏傳致和元年七月奉定帝崩八月丞相燕鐵木兒遣明里董阿迎立武宗子懷王於江陵道過河南使以謀密告伯顏伯顏嘆曰

此吾君之子也吾夙荷武皇厚恩垂以心膂今將位至此非獨為一己之富貴計大義所歸焉敢取望即集僚屬明告以故於是會計倉庫府庫穀粟金帛之數乘輿供御車餽膳薪炭衣裘積土馬芻糧供億之須以及賞賚犒勞之用靡不備至不足則徵州縣民折輸明年田租及貧商人貨賈約倍息以償又不足則遠東南常賦之經河南者輒止之以給其費徵發民丁增置驛馬補城壕浚溝池修戰守之具嚴徵選斥堠日被堅執銳與倭佐曹操籌其便宜即遣蒙哥不花以其事馳告懷王又使羅里報燕鐵木兒曰公盡力京師河南事我當自効伯顏別募勇士五千人以迎帝于南而躬勒兵以俟急政脫別台曰今蒙古軍馬與宿衛之士皆在上都而令探馬赤軍守諸隘吾恐此事之不可成也我等圖保性命他何計哉伯顏不從其言其夜脫別台手刃殺伯顏為變伯顏覺遂拔劍殺之奪其所部軍器收馬千二百騎懷王命撒里不花拜伯顏河南行省左丞相懷王至河南伯顏屬藥錠損甲與百官父老導入武衛伏稱萬歲即上前叩頭勸進懷王解金鎖御服寶刀及海東白鶴文豹賜伯顏明日應從北行九月懷王即皇帝位是為文宗 文宗天曆二年春正月丙戌明宗以皇長子即皇帝位於漠北 按元史明宗本紀明宗諱和世孫武宗長子也母曰仁獻章聖皇后亦乞烈氏成宗大德二年命武宗撫軍北邊帝以四年十一月壬子生成宗崩十一年武宗入繼大統立仁宗為皇太子命以次傳于帝武宗

明仁宗立延祐三年春議建東宮時丞相鐵木迭兒欲固位取寵乃議立英宗爲皇太子又與太后幸臣鐵剌門諸帝于兩宮浸潤久之其計遂行于是封帝爲周王出鎮雲南置常侍府官屬以遙授中書左丞相亮忽魯大司徒幹耳朵中政使尚家奴山北遼陽等路蒙古軍萬戶李羅翰林侍講學士教化等並爲常侍中衛親軍都指揮使唐兀兵部尚書賽罕八都魯爲中尉仍置諮議記室各二員這就鐵木是年冬十一月帝大延安亮忽魯尚家奴李羅及武宗舊臣暨日沙不丁哈八兒亮等皆來會教化謀曰天下者我武皇之天下也出鎮之事本非上意由左右構間致然請以其故自行省俾聞之朝廷庶可杜塞離間不然事變叵測遂與教騎馳去先是阿思罕爲太師鐵木迭兒奪其位出之爲陝西行省丞相及教化等至即與平章政事塔察兒行臺御史大夫脫里伯中丞脫歡悉發關中兵分道自潼關河入已而塔察兒脫歡襲殺阿思罕教化于河中帝遂西行至北邊金山西北諸王察阿台等聞帝至咸率衆來附帝至其部與定約東每歲冬居扎顏夏居幹羅幹察山春則命從者耕于野泥十餘年間邊境寧謐延祐七年仁宗崩英宗嗣立是歲夏四月丙寅子安帖帖木爾生是爲至正帝至治三年八月癸亥御史大夫鐵失等弑英宗晉王也孫鐵木兒自立爲皇帝改元泰定五月遣使慰從皇后八不沙至自京師二年帝弟圖帖睦爾以懷王出居于建康三年三月癸酉子懿璘質班生是爲寧宗歲戊辰七月庚午泰定皇帝崩於上都倒剌沙專權自用踰月不立君朝野疑懼時會

樞密院事燕鐵木兒留守京師遂謀舉義八月甲午黎明召百官集興聖宮兵皆露刃號于衆曰武皇有聖子二人孝友仁文天下歸心大統所在當迎立之不從者死乃縛平章烏伯都剌伯顏察兒以中書左丞桑朵悉知政事王士熙等下於獄燕鐵木兒與西安王阿剌忒補失里固守內廷於是帝方遠在沙漠猝未能至應生他變乃迎帝弟懷王於江陵且宣言已遣使北迎帝以安衆心復矯稱帝所遣使者自北方來云周王從諸王兵整駕南轅旦夕即至矣丁巳懷王入京師羣臣請正大統固讓曰大兄在北以長以德當有天下必不得已當明以朕志播告中外九月壬申懷王即位是爲文宗改元天曆詔天下曰謹俟大兄之至以遂朕固讓之心時倒剌沙在上都立泰定皇帝子爲皇帝乃遣兵分道犯大都而梁王王禕右丞相答失鐵木兒御史大夫紐澤太尉不花等兵皆次于榆林燕帖木兒與其弟撒敦子唐其勢等帥師與戰屢敗之上都兵皆潰十月辛丑齊王月魯帖木兒元帥不花帖木兒以兵圍上都倒剌沙乃奉皇帝寶出降南京道路始通於是文宗追哈散及撒迪等相繼來迎朔漠諸王皆勸帝南還京師遂發北邊諸王察阿台沿途元帥朵烈提萬戶賈曠等咸帥師扈行舊臣李羅尚家奴哈八兒亮皆從至金山嶺北行省平章政事濟皮奉迎武寧王徹徹亮僉樞密院事帖木兒不花繼至乃命李羅如京師南京之民間帝使者至羅呼鼓舞曰吾天子實自北來矣諸王舊臣爭先迎謁所至咸聚天曆二年正月乙丑文宗復還中書左丞羅里帖木兒來迎乙酉撒迪等至入

見帝於行帳以文宗命勸進丙戌帝即位于和寧之北扈行諸王大臣咸入賀乃命撒迪遣人還報京師天曆二年八月庚寅文宗復以皇太子襲皇帝位按元史明宗本紀天曆二年正月丙戌帝即位于和寧之北扈行諸王大臣咸入賀乃命撒迪遣人還報京師二月文宗立奎章閣學士院于京師遣人以除日來乘帝並從之三月戊午朔天深堅察罕之地辛酉文宗遣右丞相燕鐵木兒奉皇帝寶來上御史中丞八即刺知樞密院事亮忽魯帖木兒等各率其屬以從四月癸巳燕鐵木兒見帝於行在率百官上皇帝寶帝嘉其勤拜太師復諭燕鐵木兒等曰凡京師百官朕弟所用者並仍其舊卿等其以朕意諭之辛丑文宗立都督府於京師遣使來奏又以臺憲官除目來上並從之癸卯遣使如京師上日命中書左丞相鐵木兒補化攝告即位于郊廟社稷還武寧王徹徹亮及哈八兒亮立文宗爲皇太子仍立詹事院五月乙亥次亮忽魯大都會臣錄皇太子寶時求太子故寶不知所近侍伯不花官寶藏於上都行帳遣人至上都索之無所得乃命更鑄之丁丑皇太子發京師鎮南王帖木兒不花諸王也速幹即答來不花來只班伯顏也不干駙馬別闊里及扈衛百官悉從行七月丙子文宗受皇太子寶戊寅次小只之地壬午遣使詣京師八月乙酉朔次王忽察都之地丙戌皇太子入見是日宴皇太子及諸王大臣於行殿庚寅帝暴崩乙亥皇太子復即皇帝位按文宗本紀天曆二年夏四月癸卯明宗遣武寧王徹徹亮中書平章政事哈八兒亮來錫命立帝爲皇太子五

月丙子徽徽亮哈八兒亮至自行在所致立皇太子之命賜徽徽亮金五百兩餘有差改儲慶使司爲詹事院伯顏鐵木兒補化及江南行臺御史大夫阿兒思蘭海牙江浙行省平章政事實立並爲太子詹事又除副詹事詹事丞及斷事官家令司典寶典典醫等官丁丑帝登京師北迎明宗皇帝戊寅太子大口徽諸王鼎八入朝庚辰次香水園六月丁亥朔明宗遣近侍馬駒塔台別不花至丁酉鐵木兒補化以早乞避宰相位有旨諭之曰皇帝遠居沙漠未能即至京師是以勉攝大位今九陽爲災皆予闕失所致汝其勉修厥職祇修實政可以上答天變仍命馳奏于行在八月乙酉朔明宗次於王忽察都丙戌帝入見明宗宴帝及諸王大臣於行殿庚寅明宗崩帝入臨哭盡哀熱鐵木兒以明宗后之命奉皇帝寶授於帝遂遷于辰次手羅察罕以伯顏爲中書左丞相依前太保欽察台阿兒思蘭海牙趙世廷並爲中書平章政事甘肅行省平章朵兒只爲中書右丞相中書參議阿榮太子詹事丞趙世安並爲中書參議政事前右丞相塔失鐵木兒知樞密院事鐵木兒補化及上都留守鐵木兒脫並爲御史大夫癸巳帝至上都乙未賜護守大行皇帝山陵官御史大夫手羅等鈔各有差焚四川僞造鹽茶引丙申監察御史徐寅言天下不可一日無君神器不可一時而曠先皇帝奄棄臣庶已踰數日伏望聖上早正宸極以安億兆之心實宗社無疆之福流諸王忽刺出于海南丁酉命阿榮趙世安提調通政院事一切給驛事皆關白然後給遣戊戌四川襄加台以指斥乘輿坐大不道棄市已亥

帝復即位於上都大安閣大赦天下詔曰朕惟昔上天啓我太祖皇帝肇造帝業列聖相承世祖皇帝既大一統即建儲貳而我裕皇天不假年成宗入繼纔十餘載我皇考武宗歸廟大寶克享天心志存不私以仁廟居東宮選嗣宸極甫及英皇降制我家晉邸遠置構逆據有神器天示讖告竟爾厥身於是宗戚舊臣協謀以舉義正名以討罪接統緒屬在眇躬朕與念大兄播遷朔漠以賢以長曆數宜歸力拒羣言至於再四乃曰艱難之際天位久虛則衆志弗固恐墮大業朕雖從諸而臨御秉初志之不移是以因讓之昭始願奉迎之使已還尋命阿剌忒納失里燕鐵木兒奉皇帝寶璽遠迓於途受寶即位之日即遣使授朕皇太子寶朕幸釋重負實獲素心乃率臣民北迎大駕而先皇帝跋涉山川蒙犯霜露道里遠遠自春徂秋懷艱阻於歷年望都邑而增慨徒御弗慎屢爽節宣信使往來相望於道路彼此思見交切於衷懷八月一日大駕次王忽察都朕欣瞻對之有期獨兼程而先進相見之頃悲喜交集何數日之間而宮車弗駕國家多難遽至於斯念之痛心以夜繼日諸王大臣以爲祖宗基業之隆先帝付託之重天命所在誠不可違請即正位以安九有朕以先皇帝奄棄方新推恒何忍銜哀辭對固請彌堅執訪伏闕者三日皆宗社大計乃以八月十五日即皇帝位於上都可大赦天下自天曆二年八月十五日昧爽以前罪無輕重咸赦除之於戲擬定之餘莫急乎與民休息不覺之道莫大乎使民知義亦惟爾中外大小之臣各究乃心以稱朕意 按燕鐵木兒傳燕鐵木兒

欽察氏赫兀兒第三子世系見土土哈傳武宗徽廟方備宿衛十餘年特受幸之及即位拜正奉大夫同知宣徽院事皇慶元年襲左衛親軍都指揮使泰定二年加太僕卿三年遷同食樞密院事致和元年進食樞密院事奉定帝崩於上都丞相倒剌沙專政宗室諸王脫脫王禪附之利於立幼燕鐵木兒時總環衛事肅大都自以身受武宗寵拔之恩其子互集大位而一居朔漠一處南陲實天之所置將以啓之由是與公主察吉兒族黨阿剌帖木兒及腹心之士李倫亦剌刺等謀以八月甲午昧爽率勇士納失里等入與聖宮會集百官執中書平章烏伯都剌伯顏察兒兵皆寡刃皆衆曰祖宗正統屬在武皇帝之子敢有不順者斬衆皆潰散遂捕燕鐵木兒而與西安王阿剌忒納失里入守內庭分處腹心於樞密自東華門夾道直列軍士使人傳命往來其中以防漏泄即命前河南行省參知政事明里董阿前宣政院使答剌麻失里乘驛迎文宗於中興且令密以意諭河南行省平章伯顏選兵備扈從於是封府庫拘百司印遣兵守諸要害推前湖廣行省左丞相別不花爲中書左丞相詹事塔失海涯爲平章前湖廣行省右丞速速爲中書左丞前陝西行省參政王不憐吉台爲樞密副使蕭忙古轉仍爲通政院使與中書右丞趙世延樞密同食燕鐵木兒通政院使察食分典庶務貸在京寺觀鈔募死士買戰馬運京倉粟以餉守禦士卒復遣使於各行省徵發錢帛兵器當時有諸衛軍無統屬者又有調遣及罷退軍官皆給之符牌以待調遣既受命未知所謝注目而立乃指使南向

拜衆皆愕然始知有定向矣燕鐵木兒宿衛禁中夜則更還無定居坐以待旦者將一月第撒敦子唐其勢時甯上都密遣塔失帖木兒召之皆棄其妻子來歸丁酉再遣撒里不花鎮南班往中興起大駕早發令塔失帖木兒設爲南使云諸王帖木兒不花寬徹普化湖廣河南省臣及河南都萬戶合軍扈駕日夕且至民勿疑懼丁未命撒敦以兵守居庸關唐其勢屯古北口戊申復令乃馬台爲北使稱明宗從諸王兵輕駕南轅中外乃安辛亥撒里不花至自中興云乘輿已啓塗詔拜燕鐵木兒知樞密院事丙辰率百官備法駕郊迎丁巳文宗至京師入居大內己未上都王禪及太尉不花丞相塔失帖木兒平章買闡衛史大夫紐澤等軍次榆林九月庚申詔燕鐵木兒帥師禦之撒敦先驅至榆林西乘其未陣薄之北軍大敗甲子詔還都戊辰遣東平章充滿迭兒以兵犯遼民鐵斯關以入遣撒敦往拒至薊州東沙流河累戰敗之燕鐵木兒以爲擾攘之際不正大名不足以係天下之志與諸王大臣伏闕勸進文宗固辭曰大兄在朔方朕敢素天序乎燕鐵木兒曰人心向背之機間不容髮一或失之噬臍無及文宗悟乃曰必不得已當明詔天下以著予退讓之意而後可壬申文宗卽位改元天曆赦天下癸酉封燕鐵木兒爲太平王以太平路爲其食邑甲戌加開府儀同三司上柱國錄軍國重事中書右丞相監修國史知樞密院事賜黃金五百兩白金二千五百兩鈔一萬錠金素織段色絹二千匹海東白鶴一青鶴二豹一平江官地五百頃卽日詔將兵出薊州拒充滿迭兒乙亥次三河

而王禪等軍已破居庸關遂進屯三塚丙子燕鐵木兒驛食倍道而還丁丑抵榆河關帝出都城將親督戰燕鐵木兒單騎請見曰陛下出民心必驚凡剪寇事一以責臣願陛下還宮以安黎庶文宗乃還明日丁丑阿速衛指揮使忽都那花塔海帖木兒同知太不花構變事覺械送京師斬以徇己卯與王禪前軍遇于榆河北我師奮擊敗之追至紅橋北王禪將樞密副使阿剌帖木兒指揮忽都帖木兒引兵會戰阿剌帖木兒執戈入刺燕鐵木兒側身以刀格其戈就斫之中左臂部將和尚馳擊忽都帖木兒亦中左臂二人曉將也敵爲奪氣遂卻因據紅橋兩軍阻水而陣命善射者射之遂退師于白浮南命知院也速答兒八都兒亦訥思等分爲三隊張兩翼以角之敵軍敗走辛巳敵軍復合應戰於白浮之野周旋馳突戈戟聲摩燕鐵木兒手斃七人會日晡對壘而宿夜二鼓遣阿剌帖木兒李倫赤岳來古將精銳百騎鼓譟射其營敵衆驚擾互自相擊至旦始悟人馬死傷無數明日天大霧復敵卒二人云王禪等脫身鼠山谷矣癸未天清明王禪集敵卒成列出山我師駐白浮西堅壁不動是夜又命撒敦潛軍繞其後部曲八都兒壓其前夾營吹銅角以震之敵不悟而亂自相撾擊三鼓後乃西遁遲明追及昌平北斬首數千級降者萬餘人帝遣賜上尊諭旨曰丞相每戰親冒矢石脫有不虞其若宗社何自今後但憑高督戰察將士之用命不用命者以賞罰之可也對曰臣以身先之爲諸將法敢後者軍法從事託之諸將萬一失利悔將何及是日敵軍再戰再北王禪單騎亡命也

速答兒也不倫撒敦追之就命也速答兒及倉院徹里帖木兒統卒三萬守居庸關遲至昌平南俄報古北口不守上都軍掠石槽內戊遣撒敦爲先驅燕鐵木兒以大軍繼其後至石槽敵軍方炊掩其不備直蹙之大軍并進追擊四十里至牛頭山擒駙馬李羅帖木兒平章蒙古答失牙失帖木兒院使撒兒討溫等敵俘闕下獲之各衛將士降者不可勝紀餘兵奔窟夜遣撒敦襲之逐出古北口丁亥充滿迭兒及諸王也先帖木兒軍陷通州將襲京師燕鐵木兒急引軍還十月己丑朔日將昏至通州乘其初至擊之敵軍狼狽走渡潞河庚寅夾河而軍敵列植黍藉衣以瓊衣然火爲疑兵夜遁辛卯率師渡河追之癸巳駐槽子山之棗林也速帖木兒充滿迭兒合陽翟王太平國王朵羅台平章塔海軍來關士皆殊死戰至晚唐其勢陷陣殺太平死者敵野餘兵宵潰已而撒敦將輕兵要之弗及而還乙未上都諸王忽剌台指揮阿剌鐵木兒安童入紫荊關犯良鄉游騎逼南城燕鐵木兒卽率諸將兵循北山而西令脫術襲囊盛壘豆以飼馬士行且食晨夜兼程至于盧溝河忽剌台聞之望風西走是日凱旋入自肅清門都人羅拜馬首以謝更生之惠燕鐵木兒曰此皆天子威靈有何力焉入見帝大悅賜燕輿聖殿靈帷而罷賜太平王黃金印并降制書賜玉盤龍衣珠衣寶珠金腰帶等物是日撒敦遣報充滿迭兒軍復入古北口燕鐵木兒遂以師赴之戰于檀州南野敗之東路蒙古萬戶哈剌那懷率麾下萬人降餘兵東潰充滿迭兒走還遼東獲忽剌台阿剌帖木兒安童朵羅台塔海等數

之先是齊王月魯帖木兒東路蒙古元帥不花帖木兒聞文宗即位乃起兵趨上都圍之時上都屢敗勢蹙王寅倒刺沙肉袒奉皇帝寶出降死齊王調兵護送至京師庚戌文宗御與聖殿受皇帝寶下倒刺沙於獄兩都平丁已加燕鐵木兒以答剌罕之號使其世世子孫襲之仍賜珠衣二七寶東帶一白金一黃金瓶一海東白鶴一青鶴三白鷹一豹二十二二月量龍衛衛術領其事先是至治二年以欽察衛士多爲千戶所者凡三十五故分置左右二衛至是又折爲龍朔二年立都督府以統左右欽察龍朔三衛哈刺魯東路蒙古二萬戶府東路蒙古元帥府而以燕鐵木兒兼統之尋陞爲大都督府燕鐵木兒乞解相印還宿衛帝勉之曰卿已爲省院惟未入臺其職後命二月還御史大夫依前開府儀同三司上柱國錄軍國重事太平王未幾復拜中書右丞相監修國史知樞密院事領都督府龍朔侍衛親軍都指揮使司事就佩元降虎符依前開府儀同三司上柱國錄軍國重事答剌罕太平王先是文宗以天下既定可行初志還治書侍御史撒迪迎大兄明宗於漠北三月辛酉乃歸燕鐵木兒護聖寶北上明宗嘉其功五月特拜開府儀同三司上柱國錄軍國重事中書右丞相監修國史大都督領親軍都指揮使事答剌罕太平王六月加拜太師餘如故從明宗南還八月朔明宗次王忽察都之地文宗以皇太子見庚寅明宗暴崩燕鐵木兒以皇后命奉皇帝寶授文宗疾驅而還置則率宿衛士以夏從夜則躬擐甲宵繞帳殿巡護已達上都遂與諸王大臣陳勸復正

大位已亥文宗復即位于上都

至順三年十月庚子車宗以都王即皇帝位

按元史車宗本紀車宗諱懿璘質班明宗第二子也母曰皇后乃蠻氏初武宗有子二人長明宗次文宗延祐中明宗封周王出居朔漠奉定之際正統遂偏天曆元年文宗入紹大統內難既平即遣使奉皇帝寶授北迎明宗明宗崩文宗復即位明宗有子二人長妥懽帖木兒次即帝也天曆二年二月已巳封帝爲都王至順三年八月已酉文宗崩於上都皇后導揚未命申固讓初志傳位於明宗之子時妥懽帖木兒出居靜江帝以文宗眷愛之篤爾京師太師太平王右丞相燕鐵木兒請立帝以繼大統於是遣使徵諸王會京師中書百司政務咸啓中宮取進止八月甲寅中書省臣奉中宮旨預備大朝會賞賜金銀幣帛等物乙卯燕鐵木兒奉中宮旨賜駙馬也不干子歡忒哈赤太尉字爾奚何答都王答都塔里食事小薛阿麻剌台之子亮帖木兒公主本答里諸王丑漢妃公主台忽都魯諸王卯澤妃公主完者台及公主本答里徹里帖木兒等金銀幣鈔有差是月渾源雲內二州隕霜殺禾冀寧路之陽河曲二縣及荊門州皆旱江水又溢高郵府之寶應興化二縣德安府之雲夢應城二縣大雨九月丁丑填星犯大微垣左執法辛巳修皇太后儀仗是夜地震有聲來自北是月益都路之莒沂二州泰安州之華符縣濟寧路之魚臺豐縣曹州之楚丘縣平江常州鎮江三路松江府江陰州中興路之江陵縣皆大水河南府之洛陽縣旱十月庚子帝即位於大明殿大赦天

明倫彙編皇極典第一百九十八卷登極部

下詔曰洪惟太祖皇帝啓闢疆宇世祖皇帝統一萬方列聖相承法度明著我曲律皇帝入纂大統修舉庶政動合成法授天寶位於普順篤皇帝以及格堅皇帝曆數之歸實當在我忽都篤皇帝扎牙篤皇帝而各播越遼遠時則有若燕鐵木兒建義効忠敢平內難以定邦國協恭恭推戴扎牙篤皇帝登極之始即以讓兄之詔明告天下隨奉聖授遠近忽都篤皇帝朔方言還奄棄臣庶扎牙篤皇帝正宸極仁義之至親民如傷恩澤旁被無間遠顧育眇躬尤篤慈愛實天之日皇后傳顧命於太師太平王右丞相答剌罕燕鐵木兒太保汝寧王知樞密院事伯顏等謂聖體彌留益推固讓之初志以宗社之重屬諸大兄忽都篤皇帝之世嫡乃遣使召諸王宗親以十月一日來會于大都與宗王大臣同奉選詔授成寧宜御神器以至順三年十月初四日即皇帝位於大明殿可大赦天下自至順三年十月初四日昧爽以前除謀反大逆謀殺祖父母父母妻妾殺夫奴婢殺主謀故殺人但犯強盜印造偽鈔毒魔魅犯上者不赦外其餘一切罪犯咸赦除之大都上都興和三路差稅免三年腹裏差稅并其餘諸郡不納差發去處稅糧十分爲率免二分江淮以南夏稅亦免一分土木工役除倉庫必合修理外毋復期造以紓民力民間在前應有逋欠差稅課程盡行蠲免監察御史肅政廉訪司官并內外三品以上正官歲舉才堪守令者一人申達省部先行錄用如果稱職舉官優加旌擢一任之內或犯贓私者量其輕重黜罰其不該原免重囚淹禁三年以上疑不能決者申達省部詳讞

二八三〇九

釋放學校農桑孝義貞節科舉取士國學貢試並依舊制廣海雲南懷化之民詔書到日限六十日內出官與免本罪許以自新於戲肆乎中人託于天下臣民之上在大守重若涉淵冰尚賴宗王大臣百司庶府交修乃職思盡厥忠嘉與億兆之民共保承平之治咨爾多方體予至意故茲詔示想知悉

至順四年六月己巳順帝以明宗長子即皇帝位按元史順帝本紀順帝名妥懽帖睦爾明宗之長子母罕祿魯氏名邁來迪鄰王阿兒剌蘭之裔孫也初太祖取西北諸國阿兒剌蘭率其衆來降乃封爲郡王俾領其部族及明宗北狩過其地納罕祿魯氏延祐七年四月丙寅生帝于北方嘗泰定帝之崩太師燕鐵木兒與諸王大臣迎立文宗文宗既即位以明宗嫡長復遣使迎立之明宗即位於和寧之北而立文宗爲皇太子及明宗崩文宗復正大位至順元年四月辛丑明宗后八不沙被譏遇害遂徙帝於高麗使居大青島中不與人接閱一載復詔天下言明宗在朔漢之時素謂非其己子移於廣西之靜江三年八月己酉文宗崩燕鐵木兒請文宗后立太子燕帖古思后不從而命立明宗太子懿璘質班是爲寧宗十一月壬辰寧宗崩燕鐵木兒復請立燕帖古思文宗后曰吾子尚幼妥懽帖睦爾在廣西今年十二矣且明宗之長子璘實立之乃命中書左丞關里吉思迎帝于靜江至良鄉具鹵簿以迓之燕鐵木兒既見帝並馬徐行具陳迎立之意帝幼且長之一無所答於是燕鐵木兒疑之故帝至京久不得立適太史亦言帝不可立立即天下亂以故議未決遷延者數月

國事皆決於燕鐵木兒奏文宗后而行之俄而燕鐵木兒死后乃與大臣定議立帝且曰萬歲之後其傳位於燕帖古思若武宗仁宗故事諸王宗戚奉上璽綬勅進四年六月己巳帝即位於上都詔曰洪惟我太祖皇帝受命于天肇造區夏世祖皇帝奄有四海治功大備列聖相傳不承前烈我皇祖武宗皇帝入集大統及致和之季皇考明宗皇帝遠居沙漠札牙篤皇帝機定內難議以天下我皇考實天札牙篤皇帝復正宸極治化方隆奄棄臣庶今皇太后召大臣燕鐵木兒伯顏等曰昔者闕徽脫脫木兒只兒哈郎等謀逆以明宗太子爲名又先爲八不沙始以妬忌妄構誣言疎離骨肉逆臣等既正其罪太子遂遷于外札牙篤皇帝後知其妄尋至大漸順命有曰朕之大位其以朕兄子繼之時以朕遠征南服以朕弟懿璘質班登大位以安百姓乃遷至大故皇太后體承札牙篤皇帝遺意以武宗皇帝之元孫明宗皇帝之世嫡以賢以長在予一人遣使迎還徵集宗室諸王來會合辭推戴今奉皇太后勉進之篤宗親大臣懇請之至以順四年六月初八日即皇帝位于上都於戲惟天惟祖宗全付予有家懷懼危懼若涉淵水罔知攸濟尚賴宗親臣鄰交修不遠以底隆平其赦天下按燕鐵木兒傳文宗大漸遺詔立兄明宗之子已而文宗崩明宗太子懿璘質班即位四十三日而崩文宗后臨朝燕鐵木兒與羣臣議立文宗子燕帖古思文宗后曰天位至重吾兒年方幼冲豈能任耶明宗有子妥懽帖睦爾出居廣西今年十二矣可嗣大統於是奉太后命召還京師至良鄉具鹵簿迎

之燕鐵木兒與之並馬而行於馬上舉鞭指畫告以國家多難遣使奉迎之故而妥懽帖睦爾卒無一語酬之燕鐵木兒疑其意不可測且明宗之崩實與逆謀恐其即位之後追舉前事故宿留數月而心志日以替亂荒淫日甚體羸弱血而棄燕鐵木兒既死妥懽帖睦爾始即位是爲順帝

欽定古今圖書集成明倫彙編皇極典

第一百九十九卷目錄

登極部彙考二十五

明一 太祖漢武一則上



皇極典第一百九十九卷

登極部彙考二十五

明一

太祖平定天下洪武元年春正月乙亥即皇帝位
按明昭代典則太祖高皇帝之先江東句容朱家巷
人宋季時大父熙祖始徙家漢淮居泗州父仁祖又
徙居鍾離之東鄉生四子高皇帝其季也已而徙居
鍾離西鄉後遷太平鄉之孤莊村甲申高皇帝年十
七值四方早蝗民饑竊殺仁祖及太后陳氏俱崩既
葬追念仁祖太后嘗因夢許從釋氏遁入皇覺寺僅
五十日寺僧以食不給散遣其徒游四方高皇帝西
遊合肥歷光固汝潁諸州凡三年時汝潁兵起列郡
騷動高皇帝復還皇覺寺至是定遠人郭子興與其
黨孫德崖等自稱元帥率賓客子弟攻濠州城據之
於是亂兵焚皇覺寺寺僧逃散高皇帝亦出避兵方
卜從雄末決蒙古將徹里不花率兵欲復濠城憚不
敢進惟日掠民爲盜以微資資餉相顧動不自
安高皇帝適以壬辰閏三月朔旦抵濠州入門者

古今圖書集成

擬以爲謀謀欲害之人以告子興子興遣人追至見
高皇帝狀貌奇偉大異常人因問所以來之故遂留
與謀事久之凡有攻伐即命以往往往輒勝子興由是
兵勢益盛初宿州閑子鄉人馬公素剛直重然諾愛
人喜施濟仇定遠與子興爲刎頸交馬公有季女甚
愛之術謂此女當大貴馬公謀還宿州起兵應子興
即以女託子興曰幸公善撫視子興撫之如己子已
而馬公死子興欲爲女擇良配謂高皇帝度量豁達
有智略宜配之子興妻張氏曰今天下亂君舉大事
正當收集豪傑與成功業一旦彼爲他人所親誰與
共成事者子興遂以其女妻之即高皇后也高皇帝
既在甥館遂日治兵軍征討之事時湯和季心推翊
爲萬夫長八月蒙古右丞相脫脫帖木兒率二於徐
州屠其城十二月李二將趙均用彭早住率餘衆奔
濠郭子興孫德崖納之二人本以窮蹙來奔子興德
崖反屈已下之事皆稟命遂爲所制蒙古脫脫帖木
兒追趙均用等圍濠城均用等與子興德崖極力
拒守會賈魯死蒙古兵亦無去均用早住遂據濠州
挾德崖等爲己用均用自稱永義王早住稱魯淮王
癸巳五月太祖高皇帝徇定遠下滁陽濠城自蒙古
兵退軍士多死傷高皇帝乃歸鄉里募兵得七百餘
人鳳陽人徐達沈雄有智略與耿再成耿聚文郭英
等皆來歸時彭趙二人取下無道所部多暴橫高皇
帝乃與徐達等南略定遠中途遇賊還居是月有告
定遠張家堡民兵號驢牌寨者孤軍乏食欲歸降未
決高皇帝以告子興子興選騎士賈聚等從行入其
營營中遣二將迎既至其帥遂出迎曰公遠來郭公

必有所命高皇帝曰郭公與足下有舊聞足下軍艱
食他敵欲來攻特遣吾相報能相從即與俱往否則
移兵避之其帥許諾請留物以爲信高皇帝解所佩
香囊與之彼以牛脯爲獻後三日賈聚還告曰彼且
欲他往矣高皇帝即率兵三百人復抵其營使有勇
力者往誘其帥來會帥至遂縛之令壯士五十人擁
之以行十餘里乃遣人諭其營中曰爾帥已往可移
軍來就於是營兵皆出焚其營壘悉驅其衆以還得
壯士三千人遂率之而東夜襲樂安古知院老張於橫
澗山黎明入其營老張棄軍遁去降其民兵男女七
萬得精壯二萬悉加訓練於是率之南略滁陽道遇
定遠人李善長來謁與語悅之置幕下俾掌書記
遂與俱攻滁陽下之彭早住趙均用遣人還高皇帝
將兵守盱泗以二人粗暴淺謀難與共事辭不往二
人尋相吞併戰士多死早住亦亡惟均用專據濠州
狠戾益甚子興勢孤遂將其所部萬人至滁州見高
皇帝所將兵號令嚴明軍容整肅乃大悅甲午冬十
月元帥脫脫帖木兒克高郵分兵圍六合六合遣使求救於
滁郭子興與不答高皇帝曰六合受圍無救必罷六合
既罷大將及滁時元兵號百萬諸將畏之子興屬高
皇帝往令禱於神高皇帝曰事之可否當斷之於心
何必禱也遂率師東至六合與耿再成守瓦梁壘元
兵攻壘數四每垂陷軍又完壘苦戰元兵疑之高皇
帝又以計始之元兵不敢迫遂引去既而元兵復大
至將攻滁州高皇帝設伏洞側令再成伴走誘之渡
澗伏發城中鼓噪而出內外夾擊元兵大敗復其馬
甚衆由是濠城得先時馮勝趙德勝胡大海皆來從

明倫彙編皇極典第一百九十九卷登極部

子與欲據渝稱王高皇帝察知其意因說曰渝山城也舟楫不通商賈不集無形勝可居不足據也子與默然乙未閏正月渝城乏糧諸將謀所向高皇帝曰固守孤城非計今欲謀所向惟和陽可圖然其城小而堅可以計取難以力勝子與遂命張天祐將兵前行耿再成將兵繼後約相距十餘里俟天祐兵薄城舉火為應再成兵即鼓行而趨天祐兵從他道就食遂誤前約再成候之過期不見舉火意天祐必已違違率衆直抵城下蒙古平章也先帖木兒出急戰再成不利中矢退走衆皆潰會日暮蒙古收兵還天祐等始至急擊之追至和州小西門城中抽橋急我軍奪其橋而上天祐等登城大呼也先帖木兒乘夜遁去天祐遂據其城子與聞再成敗急屬高皇帝將兵及率徐達李善長等進至和陽始知天祐已破城據之高皇帝遂入撫定城中遣人報子與子與屬高皇帝總守和陽是時濠城舊帥孫德崖等亦乏糧率所部就食和州德崖因求入城假居數月高皇帝慮其彼衆我寡力不能抗不得已許之適有議高皇帝於子與者子與怒即自濠來欲督過之子與至館高皇帝往見之子與怒不言高皇帝曰家事緩急皆可理外事當速謀孫德崖在此昔與公有宿憾此爲可憂子與默然德崖聞子與至心不自安欲他往高皇帝疑有變急報子與備之德崖軍既發高皇帝出城欲餞德崖行二十餘里忽城中走報子與德崖兩軍相鬪高皇帝亟馳還德崖軍在道者即來追高皇帝一人直前忿曰城中殺害我軍士汝軍不預謀高皇帝曰吾以送友故出城城中爭鬪何由知之衆弗聽持

高皇帝馬銜雖之行展轉十五餘里遇德崖弟廖兵欲加害有語者曰孫公在和陽存亡未可知萬一無事而先害朱公郭公必逞憾於孫公得無兩傷乎乃往觀之見子與繫德崖項與之對飲即還告曰若從衆所爲幾害兩人衆怒猶未釋明日復拘入麻湖中又明日子與聞高皇帝被執如失左右手亟遣徐達等往代達至謂衆曰不如釋朱公令之還以出孫公於是高皇帝得還既至和陽子與亦釋德崖去徐達等亦還初子與既執德崖欲殺之以報舊憾及聞高皇帝被執乃釋德崖然心常快快憂悶致疾久不起遂卒德崖欲襲其軍子與之子聞之懼不能當乃請高皇帝代統之而常遇春鄧愈等皆來從時收頽劉福通等迎韓林兒爲帝居毫遣人詣和陽招諸將張天祐遂往時高皇帝發兵及親率將士取和陽西南民寨次第平之天祐尋自毫歸齊劉福通推子與之子爲都元帥天祐及高皇帝皆副元帥高皇帝曰大丈夫事能受制於人耶不受八月太祖高皇帝自和陽渡江取太平路諸將謀渡江患無舟楫時會通海通源廖末忠未安等各據衆據巢湖張德勝亦集義衆結水寨自保五月丁亥皆聞道來附高皇帝謂徐達等曰方謀渡江而巢湖水軍至吾事濟矣時銅城關馬揚湖等隘口皆爲蒙古中丞蠻子海牙水寨所扼惟一小港可達然淺濶不可通糧已而大雨兼旬川谷溢流素非行舟魚貫而出諸舟悉至和陽命廖末安張德勝俞通海等將之壬寅高皇帝帥舟師攻蠻子海牙於峪路口大敗其衆遂與諸將定渡江之計諸將咸欲直趨金陵高皇帝曰取金陵必自采

石始采石南北襟喉得采石金陵可圖也六月乙卯高皇帝率徐達湯和季善長常遇春廖永安馮國用邵榮鄭愈耿君用毛廣各引舟渡江時西北風順艖櫓齊發軍士皆躍躍永安請所向高皇帝曰采石大鎮其備必固牛渚磯前臨大江彼難爲禦今往攻之其勢必克乃引帆向牛渚風力稍勁頃刻及崖守者驚駭出拒不支即走常遇春奮戈先登諸軍鼓勇繼之采石鎮兵驚潰遂拔之綠江諸壘望風迎附乃令軍中皆食食已即率衆自官渡向太平橋直趨城下元平章完者不花萬戶萬鈞達魯花赤普里罕忽里閉城拒守高皇帝命將急攻遂拔之完者不花等棄城走者儒李習陶安等率父老出城迎安見高皇帝狀貌謂習等曰龍姿鳳質非常人也我輩今有主矣高皇帝之發采石也先令李善長爲戒戰軍士榜比入城即張之士卒欲擄掠見榜揭通衢皆惴然不敢動有一卒違令即斬以徇城中肅然高皇帝召陶安李習與語時事安因獻言曰方今四海鼎沸豪傑並爭攻城屠邑互相雄長然其志皆在于女玉帛取快一時非有撥亂救民安天下之心明公率衆渡江神武不殺人心悅服以此順天應人而行弔伐天下不足平也高皇帝曰足下之言甚善吾欲取金陵足下以爲何如安曰金陵古帝王之都龍蟠虎踞限以長江之險若取而有之據其形勝出兵以臨四方則何向不克其言合高皇帝意由是禮遇安甚厚事多與議焉乃改太平路爲太平府以李習知府事寅太平與國翼元帥府諸將奉高皇帝爲大元帥高皇帝命李善長爲帥府都事潘廷堅爲帥府教授汪廣洋爲

帥府令史以陶安參幕府事命諸將分守各門修城浚河以固守禦初元將蠻子海牙與元右丞阿魯灰等以巨舟載采石江開姑孰口而方山寨民兵元帥陳瑄先則以衆數萬來攻太平高皇帝遣徐達鄧愈湯和引兵迎戰復命別將潘師由間道繞出其後夾擊之瑄先腹背受敵大敗遂擒瑄先高皇帝釋不殺與之語瑄先曰生我謂何高皇帝曰天下大亂豪傑並起假號令據城邑者不知其幾然則人附敗則附人爾既以衆僕自負必能辦事機豈不知生爾之故瑄先曰然則欲吾軍降乎此易爾軍之將校皆吾親故喻之即來乃爲書招之明日衆皆降蠻子海牙阿魯灰等見瑄先兵敗不敢復進攻率其兵還駐谿口我師進克溧水州將攻集慶路瑄先之爲書也意其衆未必從陽爲招辭陰實激之不意其衆遽降自念失計心不自安及聞欲攻集慶私謂其部曲曰汝等攻集慶母力戰候我得脫還當與元兵合有以其謀告者高皇帝曰吾久知其不誠然殺之恐失衆懷心乃召瑄先謂曰人各有心從元從我任汝所適不相強也縱之還我師克溧陽遂進攻集慶元帥張天祐等至方山寨先遂叛與元福壽合兵來拒戰於秦淮水上王師失利天祐郭元帥皆戰死郭元帥子與之子也瑄先追襲我軍於溧陽縣葛山鄉鄉寨民兵百戶盧德茂惡瑄先反覆謀殺之遣壯士五十人衣青出迎瑄先瑄先不虞其圖已與十餘騎先行青衣兵自後擊之仆地擗栗刺之瑄先死我師克蕪湖軍永昌翼丙申二年元中丞蠻子海牙復率舟師拒采石江以阻絕南北欲伺間攻太平高皇帝率常

遇春等擊之時元舟聯綿江上勢甚盛乃令遇春設疑兵以分散勢而以大兵薄之及戰遇春率舟師衝其中敵舟分爲二我師左右縱擊飛礮中敵舟輒糜碎自辰至午戰益急敵大敗俘獲萬計盡得其舟艦蠻子海牙以餘衆走集慶自是元人扼江之勢遂衰三月太祖高皇帝克金陵改集慶路爲應天府陳瑄先之子兆先合淮兵二十萬屯營方山與海牙茂才等相望高皇帝命廖永安馮國用先攻兆先營大破之進拔其糧橋兆先盡降其衆得兵三萬六千人擇其驍勇者五百人置麾下五百人者多疑懼不自安高皇帝覺其意至暮令其悉入衙屏舊人於外獨留馮國用侍臥榻旁高皇帝解甲酣寢達旦疑懼者始安乃相語曰既活我又以腹心待我何可不盡力圖報庚寅進兵集慶未及城五里諸軍鼓噪而進元兵皆破膽行臺御史大夫福壽督兵戰我師擊敗之福壽閉門拒守大軍薄城下將士以雲梯登城城中莫能支遂克之福壽又督兵巷戰兵潰坐伏龜樓前指揮左右更欲拒戰或勸之通福壽吐而射之督戰不已遂死於兵平章阿魯灰奉政伯家奴及集慶路達魯花赤達尼達思等皆戰死獲其御史王稷元帥李寧等三百餘人蠻子海牙走投張士誠水寨元帥廖茂才苗軍元帥等朝佐許成剗哈刺不花海軍元帥葉撒及阿魯灰部將完都等各率衆降凡得民五十餘萬高皇帝入城悉召官吏父老人民諭之曰元失其政所在紛擾兵戈並起生民塗炭汝等處危時朝夕懼懼不能自保吾率衆至此爲民除亂耳汝宜各安職業毋懷疑懼賢人君子有能相從立功業者禮

用之居官慎毋暴橫以殃吾民舊政有不便者吾爲汝除之於是城中軍民皆喜悅更相慶慰辛卯高皇帝周覽城郭謂徐達等曰金陵險固古所謂長江天塹眞形勝地也倉庫實人民足吾今有之諸公又能同心共力以相左右何功不成達曰成功立業非偶然今得此殆天授也乃改集慶路爲應天府置天興達康翼統軍大元帥府以廖永安爲統軍元帥命趙忠爲典翼元帥以守太平得儒士夏煜孫炎楊憲等十餘人皆錄用之置上元江寧二縣是月我師克鎮江改鎮江路爲江淮府金陵既定高皇帝欲發兵取鎮江慮諸將不能禁戢士卒爲民患明日召諸將飲以善縱士卒之過欲置之法李善長應救乃免於是命徐達等將兵以往戒之曰吾自起兵未妄殺今汝等當體吾心戒戢將士城下之日毋焚掠毋殺戮有犯令者處以軍法縱之者罰無赦達等頓首受命丙申徐達湯和張瑄廖永安等進兵攻鎮江丁酉克之苗軍元帥完者圖出走達等自仁和門入號令嚴肅城中晏然民不知有兵己亥以鎮江爲淮興鎮江翼元帥府命徐達湯和爲統軍元帥改鎮江路爲江淮府元康茂才自集慶奔江口俞通海以舟師追及之茂才遂率所部三千解甲來降頓首言前日之戰各爲其主今日屢敗乃天數也事至於此死生惟命苟得生全尚竭犬馬之力高皇帝釋之俾率所部三千餘人以從征夏六月王師克廣德路改爲廣興府秋七月諸將奉太祖高皇帝爲吳國公以元御史臺爲公府置江南行省中書省高皇帝總吳國事以李善長宋思顏爲參議李慶郭景祥爲左右司郎

中侯原善楊原果陶安阮弘道爲員外郎孔克仁陳善吾王愷爲都司王璠爲照磨樂鳳爲管勾夏煜韓子魯爲博士置江南行樞密院以元帥湯和攝同僉樞密院事置帳前總制親兵都指揮使司以馮國用爲都指揮使置左右等翼元帥府以華雲龍唐勝宗陸仲亨鄧愈陳兆先張彪王玉陳本等爲元帥置五部都先鋒以陶文典陳德等爲之置省都鎮撫司以孫養浩爲鎮撫置理問所以劉頌泰裕爲理問置提刑按察使司以王習古王德芳爲食事置兵馬指揮司議察奸僞以達必大爲指揮王師攻常州獲張士誠弟張九六誅之初常州奔牛壩人陳保二聚衆以黃帕裹首號黃包軍湯和等兵下鎮江徇奔牛呂城保二以衆降至是復叛降於張士誠乙亥張士誠以舟師攻鎮江統軍元帥徐達等禦之敗其軍於龍潭高皇帝聞之使徐達曰張士誠起於負販誑詐多端今來寇鎮是其交已變當速出軍攻毗陵先機進取沮其詐謀於是遣師師攻常州進薄其壘且遣使來告賊已窘迫請益師以薄之高皇帝遣兵三萬往助之於是遣軍於城西北湯和軍城北張彪軍於城東南士誠遣其弟張九六以數萬衆來援達曰張九六狡而善圖使其勝勢不可當吾當以計取之乃去城十八里設伏以待仍命總管趙均用率鐵騎爲奇兵達親督師與九六戰餘既交均用鐵騎衝其陣陣亂九六退走遇伏馬蹶爲先鋒刀圍賣王虎子所獲并擒其將張湯二將軍九六卽士德鼻驚有謀士誠陷諸郡九六力爲多既被擒士誠氣沮高皇帝欲置九六以誘致士誠九六問遺書士誠俾降元以

謀我乃誅之十一月我師圍常州及張士誠戰於城南大破之十二月戊申高皇帝復以江淮府爲鎮江府丁酉二月戊申我師克長興改長興州爲長安州二月丙午遣耿炳文克長興復戰船三百餘艘擒士誠守將李福安答失蠻等義兵萬戶蔣毅率所部二百人降乙亥改長興州爲長安州立永興翼元帥府以耿炳文爲總兵都元帥劉成爲左副元帥李景元爲右元帥守之三月戊午我師克常州改常州路爲長春府丁亥置毗陵翼以湯和爲樞密院同食總管張瑄爲元帥守之命鎮撫孫繼達浚治城隍改常州路爲長春府以高復權知府事尋復改長春府爲常州府夏四月我師克寧國路徐達常遇春率兵取寧國元守臣別不華楊仲英等閉門拒守攻之久不下遇春中矢義創與戰高皇帝親往督師命遣飛車前編竹爲重蔽數道並進仲英不能支開門請降其百戶張文貴殺妻子自刎死擒其元帥朱亮祖并得軍士十餘萬馬二千餘匹於是屬縣太平旌德南陵涇縣相繼皆下我師克秦興銅陵縣尹羅得泰來降丙申我師克青陽縣六月己未命趙繼祖郭天祿吳良取江陰張士誠兵據秦望山以扼我師繼祖引兵攻之會大風雨其兵奔潰我師據其山翌日進攻州之西門克其城命良守之先是士誠北有淮南南有浙西長興江陰二邑皆其要害長興據太湖口陸走廣德諸郡江陰枕大江扼姑蘇通州濟渡之處得長興則士誠步騎不敢出廣德境寬歛得江陰則士誠舟師不敢涉大江上金焦至是並爲我有士誠侵鐵路絕秋七月丁丑我師徇宜興取常熟戊寅我師取績

溪庚辰元帥胡大海等進兵徽州元守將人思爾不花及萬戶吳訥等拒戰大海擊敗之遂拔其城訥等退走欲守遂安縣大海引兵追及白際嶺復擊敗之訥自殺乙酉改徽州路爲興安府立雄峰翼元帥府命鄧愈守之丙戌命大海克休寧進攻婺源元將楊完者率兵十萬欲復徽州大海遣師與戰於城下大敗之殺其鎮撫李才完者遁去婺源元帥汪同縣縣尹葉茂祁門元帥馬國寶俱詣雄峰翼降高皇帝命皆仍其官九月丙申我師取武康冬十一月壬申中翼大元帥常遇春率廖永安等自銅陵進攻池州永安去城十里而軍遇春及吳國寶帥舟師抵城下合攻之自辰至巳破其北門遂入其城敵衆敗走得糧九千餘石薄暮敵衆復以戰船百餘艘來迎戰復大敗之克池州甲申高皇帝聞軍於大通江遂命元帥釋大亨率師取揚州克之青軍元帥張明鑑以其衆降得其衆數萬戰馬二千餘匹報至高皇帝命悉送其將校妻子至建康賑給之置淮海翼元帥府命元帥張德林耿再成等守之改揚州路爲淮海府以李德成知府事按籍城中民僅餘十八家德林以舊城虛曠難守撤城西南隅築而守之戊戌春正月乙卯我師克婺源州二月高皇帝以康茂才爲營田使茂才自奏准翼水軍元帥遷都水營田使高皇帝諭之曰比因兵亂隄防頽圯民廢耕耨故設營田使以修築隄防專掌水利今軍務實收用度爲急理財之道莫先於農春作方與慮旱澇不時有妨農事故命爾此職分巡各處俾高無患乾旱不病澇務在蓄洩得宜大抵設官爲民非以病民若但使有司增脩館舍

迎送奔走所至紛擾無益於民而反害之非付任之意三月丙辰我師克建德路以楊鼎壽朝佐爲候前總制觀軍副都指揮使王戌改建德路爲建安府立德興元帥府元江浙行省左丞楊完者遣兵來攻鄧愈出兵擊之殺其將李副樞衆潰降其溪洞兵三萬人陞愈爲同食行樞密院事大海爲行樞密院判官雷文忠鎮守尋復爲建德府六月癸酉我師取江浦縣九月蒙古江浙同食員成率其元帥李福等詣我德興與降冬十月辛未我師進攻蘭谿敵兵千餘出戰敗之克其城獲元廉訪使趙秉仁等十四人馬牛羊萬頭立闕越員元帥府分兵守其要害遂進攻婺州甲戌我師克宜興先是徐遜卿榮攻宜興久不下高皇帝遣使謂達等曰宜興城小而堅猝未易拔聞其城西通太湖口張士誠餉道所由出若以兵斷其餉道彼軍食內乏破之必矣達等乃分兵絕太湖口而并力急攻城遂拔之同知樞密院事廖永安復率舟師擊士誠衆於太湖乘勝深入遇呂珍與戰不利遂爲所獲戊寅改宜興州爲建寧州置全吳翼以元帥楊國興等守之尋復以爲宜興州張士誠欲降永安永安不屈遂拘囚之至丙午歲秋七月竟被囚死云十一月蒙古擒思監有罪免以紐的該爲左丞相十二月樞密院判大海帥兵攻婺州不克高皇帝自將親軍副都指揮使楊鼎壽等師十萬往征之王辰自宜興徵道蘭谿至婺命探史周德遠入城招諭不下迺督兵圍之先是元參知政事石抹宜孫守處州聞大軍克婺州進攻婺城與參謀胡深章溢議爲守備造獅子戰車數百輛以弟石抹厚孫守婺繼令

深等將軍師爲援自率衆萬餘出縉雲以應之深至松溪觀望不敢進高皇帝謂諸將曰磐石石抹宜孫故未肯即下聞彼以車戰兵來援此豈知變者松溪山多路狹車不可行今以精兵逼之其勢必破援兵既破則城中絕望可不勞而下之翌日命食院胡大海養子濟誘其兵於梅花門外縱擊大敗之擒其前鋒元帥李彌章并獲其所製礮器仗深等遁去深之來也最起見西山有黑氣東南有白氣其長互天頃之白氣爲黑氣所蕩深知其不吉恐衆心驚懼諺曰今日有殺氣賊必勝已而戰敗城中勢益孤臺憲將臣畫界分守意復不相能於是樞密院同食憲安慶都事李相開門納大兵剽東廉訪使楊惠婺州達魯花赤僧住皆戰死執其南臺侍御史帖木烈思院判石抹厚孫廉訪使事安慶以下官甲申高皇帝入婺州下令禁戢軍士擄掠民皆安堵未破先一日有五邑雲見城西氤氳似蓋城中望之以爲祥及城下遇知爲高皇帝駐兵之地丙辰置中書省於婺州立金華翼元帥府以袁貴爲元帥吳德興副之改婺州路爲軍越府以儒士王宗顯爲知府帳前總管陳從貴兼知東陽縣事總兵三百戌之義兵元帥呂蒙明兼永康知縣帳前總管王道同爲義烏知縣楊荷爲武義知縣命憲安慶仍同食樞密院事隨軍征進高皇帝既撫定軍越欲遂取浙東未下都都集諸將論之曰克城雖以武而安民必以仁吾比入建康秋毫無犯故一舉而遂定今新克婺城民始獲甦政當撫恤使民樂於歸附則彼未下郡縣亦必聞風而歸吾每聞諸將下一城得一郡不妄殺人輒喜不自勝

畫師旅之行勢如烈火火烈則人必避之爲將者能以不殺爲心非惟國家所利在己亦蒙其福爾等從吾言則事不難就而大功可成矣己亥春正月食院胡大海帥兵取諸暨張士誠守將華元帥敗敗皆遁萬戶沈勝以衆降我師入城其衆洶洶不定復作亂大海復擊敗之生擒四千餘人馬六十匹遂改諸暨爲諸全州以帳前元帥張彪爲統軍元帥兼本州同知又立樞密分院於諸全州置明海翼元帥府陞謝再興爲院判王王等爲元帥守之三月方國珍以慶元溫台三郡來降且以次子嗣爲質高皇帝曰古者虜人不從則爲盟誓盟誓變而爲交質由未能相信故也今既誠信來歸便當推誠相與如青天白日何自懷疑而以質子爲哉乃厚賜開而遣之五月高皇帝自軍越還建康辛酉高皇帝將還建康召胡大海諭之曰軍越爲浙東重地必得其人守之吾將歸建康以爾爲才故特命爾守其衛處紹興進取之宜悉以付爾宋伯顔不花在此衛其人多習術石抹宜孫守處州善用士紹興爲張士誠將呂珍所據數郡與軍越密通爾宜與同食常遇春同心協力俟間取之此三人皆勁敵不可忽也仍命左右司員外郎侯原善都事王愷管勾樂鳳綜理錢糧軍務事八月我師取無爲州九月癸巳徐達張瑄率兵自無爲登陸夜至浮山寨擊走趙普勝部將胡德管敗之於青山追至潛山界陳友諒參政郭泰引兵渡沙河迎戰德勝復大破之斬郭泰獲馬騾牛畜千餘遂克潛山縣令詹元帥守之庚子秋七月乙巳常遇春率兵攻衢州建奉天旗樹柵圍其六門造呂公車仙人橋長木梯